

বঙ্গমাতার অবদানেই দুইজন বিশ্ব নেতা সৃষ্টি হয়েছেন

—বিএসএমএমইউ তিসি

■ ইত্তেফাক রিপোর্ট

বঙ্গবন্ধু শেখ মুজিব মেডিক্যাল বিশ্ববিদ্যালয়ের উপাচার্য অধ্যাপক ডা. কামরুল হাসান খান বলেন, বঙ্গমাতা শেখ ফজিলাতুন্নেছা মুজিবের অবদানের কারণেই দুইজন বিশ্ব নেতা সৃষ্টি হয়েছেন। যা বিশ্বে এক বিরল ঘটনা। এই দুই বিশ্ব নেতার একজন হলেন জাতির পিতা বঙ্গবন্ধু শেখ মুজিবুর রহমান এবং অন্যজন হলেন বিশ্ব নন্দিত নেতা, বাংলাদেশের বর্তমান প্রধানমন্ত্রী শেখ হাসিনা।

গতকাল মঙ্গলবার বঙ্গবন্ধু শেখ মুজিব মেডিক্যাল বিশ্ববিদ্যালয়ের বিল্ডিংয়ের নীচতলায় ডা. মিল্টন হলে বঙ্গমাতা শেখ ফজিলাতুন্নেছা মুজিবের ৮৭তম জন্মবার্ষিকী উপলক্ষে আয়োজিত আলোচনা সভায় তিনি এ কথা বলেন। অনুষ্ঠানে লায়গ ক্লাবের গভর্নর শেখ কবির হোসেন বলেন, বঙ্গবন্ধুর জন্ম না হলে যেমন বাংলাদেশ সৃষ্টি হতো না, তেমন বঙ্গমাতা শেখ ফজিলাতুন্নেছা মুজিব বঙ্গবন্ধুর সহধর্মিণী না হলে বাংলাদেশ সৃষ্টি হতো কি-না তা নিশ্চিত করে বলা যায় না। তিনি বলেন, বঙ্গবন্ধুকে সপরিবারে হত্যাকাণ্ডে যারা জড়িত তাদের মরণোত্তর বিচার করতে হবে।

আলোচনা সভায় স্মৃতিচারণ করেন বাংলাদেশ মেডিক্যাল অ্যাসোসিয়েশনের সভাপতি ডা. মোস্তফা জালাল মহিউদ্দিন, বিশ্ববিদ্যালয়ের উপ-উপাচার্য (গবেষণা ও উন্নয়ন) অধ্যাপক ডা. মোঃ শহীদুল্লাহ সিকদার বলেন, উপ-উপাচার্য (প্রশাসন) অধ্যাপক ডা. মোঃ শারফুদ্দিন আহমেদ, সিন্ডিকেট মেম্বর ও সাবেক উপাচার্য অধ্যাপক মোঃ নজরুল ইসলাম, সম্মানিত উপ-উপাচার্য (শিক্ষা) অধ্যাপক ডা. এ এস এম জাকারিয়া স্বপন, কোষাধ্যক্ষ অধ্যাপক ডা. মোহাম্মদ আলী আসগড় মোড়ল, স্বাচিপ সভাপতি অধ্যাপক ডা. এম ইকবাল আর্সলান, বিসিপিএস-এর সভাপতি ও বিএসএমএমইউ-এর ডিন অধ্যাপক ডা. কনক কান্তি বড়ুয়া, শিও কার্ডিওলজি বিভাগের চেয়ারম্যান অধ্যাপক ডা. মোঃ জাহিদ হোসেন প্রমুখ।

পরিচালকের কার্যালয়	
প্রাপ্তি নং.....	
তারিখ.....	
উপ-উপাচার্য	
উপ-উপাচার্য	
সিস্টেম এনালিস্ট	
কিস্টেম ম্যানেজার	
প্রশাসনিক কর্মকর্তা	
পি.এ.	
কর্মার্থে/জ্যাতার্থে	
স্বাক্ষর	